

wären/ vnd sich der Urtheil nicht vergleichen könn-
ten/ oder sonst Bedencken hetten/ aus allerhand
bewegenden Ursachen darin zu sprechen/ oder es
die Partheyen selbst münd: vnd Gerichtlich bey
Vberreichung des letzten Products begehren wür-
den/ so sollen die Acta an eine vnerdächtige Uni-
versitet oder Schöpffenstuel/ vmb Rechts befeh-
lung/ auff der Partheyen Vnkosten verschicket/ vnd
die Urtheil darnach publiciret werden.

Im fall / da sich auch begeben/ daß ein Theil die
Verschickung beehrte/ vnd darauff dränge/ der an-
der Theil aber darin nicht willigen/ oder einige Zu-
sage zu der behueff zu thun sich beschwerte / so sol
solche Verschickung auff des ruhenden Theils Vn-
kosten nichts desto weniger geschehen/ Es wäre dan
daß Hoff Richter vnd Besizer ohne das die Noth-
durfft zu seyn erachten würden / daß die Acten müs-
sen verschicket werden / als sol solches vff gleichen
Vnkosten der Partheyen geschehen.

Damit auch des Fiscus halben in künfftig desto
mehr Wichtigkeit gehalten werde/ So sol / wann
hinfür eine Definitiva oder Interlocutoria, welche

vjm.